




建康集目錄卷第一



赴鎮建康過京口呈劉季高

將至建康將佐出迓

再至建康

府中即事

送模歸卞山并示僧宗義

重九參議馬君携詩相過因次其韻

九日用去年韻寄徐宗濟祝子權

望蔣山

自和

西齋太湖石

與晁激仲夜話

次韻答激仲

再答

又答

邊報與山中信併至

兩夜西堂寫懷

兩夜與模論中原且起模與徐鞏宗游清

涼觀形勢嘉其有志因以勉之

連日邊報稍稀西齋默坐至夜分

獨坐讀舊書

懷西山

杜堅大夫作南窓求詩為賦

送光上人還湖南光丞相吳元忠之母弟

舊名鞏宗字元常以進士入官已而棄家

祝髮云

張暘叔晁激仲相過共話宣和間事

次韻馬參議同游蔣山

再次韻

三次韻

四次韻

劉少師園二首

蔡子因相過留踰月

次韻再答子因

蔡子因用前韻留別再答二首

劉太保馬軍屢捷

題蔡子因雙鳩百葉桃畫

寄徐鞬宗立

陳子高移官浙東戲寄

戲示幕客

章幾道將歸小飲懷謝誠父

聞邊報示諸將

虜酋復過河王師出討

遣晁公昂按行瀕江營壘

聞兀朮將過淮再遣晁公昂覘師

登南城

與陳子高夜話

送馬參議從辟劉太保

次韻馬參議留別

寄潭州謝誠父

久不飲酒厨人獻白醪却之

立秋二首

秋高申戒諸叱示幕府

寄順昌劉節使

二月六日虜騎犯歷陽方出師客自吳江
來有寄聲道湖山之適趣其歸者慨然
寫懷

淮西軍連六告捷

為山亭後有小池叢石間得石螭因以斛
汲水導注之

為山亭移植冬青成陰

小飲示幕府

卷第二

詩二

徐^{說宗}濟書報嘗過余石林

聽莫撫幹彈琴

送沈傳曜

八月二十日

偶書為山亭五首

次韻程伯禹贈趙朝請

次韻程伯禹時字韻

送表弟晁公耄沿海帥幕

題晁公耄惠崇溪山

再賦

觀花堂編校舊書

憶朱氏西澗

雨後爲山亭獨臥

七夕

送王陞歸知果州

祈雨

再任後遣模歸按視石林

祈雨未應復請於茅山采石

每歲病肺去冬以來偶不作遂得安眠

聞莫尚書周侍郎已自鄂州過江入漢上

東園作草堂新成

三月八日草堂獨坐

徐鞏宗立相過

同鞏宗立游蔣山謁寶公塔王荆公墓晚過

草堂寺周顥故宅也

明日復游石頭城清涼寺再用前韻

又明日復同鞏宗立總領吳德素運使章思

召過天禧寺雨花臺再用前韻

與鞏宗立夜話有懷石林復用前韻

用前韻送鞏宗立

為山亭晚臥

次韻方仁聲惠文編

戲方仁聲四絕句

次韻馬參謀蔣山開堂飯素

諸幕府見和復答二首

次韻馬參謀新作山亭

方參議用前韻記嘗過余石林次韻答之

徽宗皇帝挽歌辭五首

哭趙叔問

銘

賜硯銘

新坑端石硯銘

晁激仲琴硯銘

二井銘

似菴銘

贊

東山圖贊

法眼禪師真贊

卷第三

書後

書高居實集後

書明皇吹簫圖後

書鄒氏志徽宗曾祖陰德詩後

書傷寒治要後

書陸探微師子畫贊後

書方勺雲茅漫錄後

書唐李弼告後闕
書唐李氏告後闕
論

蘇秦論闕

范增論闕

續養生論上闕

續養生論中闕

續養生論下闕

序

程致道集序闕

卷第四

記

紬書閣記

府學記

建康掩骼記

建康府保寧寺輪藏記

書爲山亭石上

祝文

到任謁先聖文

到任謁諸廟文

祈兩寶公塔文

祈晴寶公塔文

祈晴諸廟文

謝晴寶公塔文

謝晴諸廟文

祈雨諸廟文

再祈雨諸廟文

謝雨送洞府龍神文

謝雨諸廟文

祈晴諸廟文

祈雨請寶公入城文

謝雨送寶公還山文

祈晴寶公塔文

祈雪諸廟文

祈雨諸廟文

祈雨請寶公入城文

謝雨送寶公還山文

謝雨送洞府龍神文

祈雨諸廟文

祈雨寶公塔文

謝雨寶公塔文

謝雨諸廟文

祭文

徽宗皇帝祭文三首

祭謝侍郎文

祭韓運使文

祭周大夫文

祭淨山主文

顯祖贈太師惠國公焚黃文

顯考贈太保焚黃文

卷第五

表

謝到任表

謝傳宣撫問茶藥表

謝乞宮觀不允降詔表

賀天申節表

謝太中大夫表

賀天申節表

謝資政殿大學士表

賀明堂禮畢降赦表

賀皇太后冊寶禮成表

謝太禮加封食邑表

謝奏陳金賊退敗降詔獎諭表

謝軍寨遺火放罪表

賀天申節表

謝傳宣撫問賜茶藥表

謝再任表

謝觀文殿學士表

謝居民遺火待罪令安職表

賀天申節表

賀大朝會表

卷第六

劄子

辭免初除劄子

謝傳宣撫問賜茶藥劄子

辭免觀文殿學士劄子

奏居民遺火待罪劄子

奏狀

再奏居民遺火待罪劄子

乞宮觀劄子

又乞宮觀劄子

辭免初除第一狀

第二狀

第三狀

乞晉卞將軍廟額狀

第一次乞宮觀第一狀

第二狀

第二次乞宮觀第一狀

卷第七

奏狀

第二狀

第三狀

辭免左大中大夫狀

辭免資政殿大學士狀

辭免加封食邑狀

第三次乞宮觀第一狀

第二狀

第三狀

辭免觀文殿學士再任狀

啓狀

到任謝執政啓

回徽州曾侍郎啓

賀宣州汪相公啓

回霍經制啓

賀汪相公建節啓

回南京留守路樞密啓

回王正字啓

轉大中大夫謝執政啓

回吉州王舍人啓

賀三京招撫劉太保啓

回信州劉侍郎啓

除資政殿大學士謝執政啓

賀張少師奏捷啓

除觀文殿學士再任謝執政啓

書

與秦相公論防冬書

又與秦相公書

又與秦相公書

卷第八終

書

與曾天游書

又與秦相公書

與梁仲謨論權貨務書

與秦相公論減梓獄事書

荅王從一教授書

又荅王從一教授書

荅尹穡書

碑

忠烈廟碑

傳

賀鑄傳

誌銘

夫人慕容氏誌銘

石林居士建康集卷第一

詩一

赴建康過京口呈劉季高

客路重經黃鵠前故人仍得暫留連
長槍大劍笑安用白髮蒼顏空自憐
照野已驚橫雉堞蔽江行見下樓
舡灞陵醉尉無人識漫對雲峯說舊年

時季高新城上月

將至建康將佐出迓

遙憐部曲遠相迎猶記當年驃騎營
莫作揚州貴人看箭聲聊聽餓鴟鳴

再至建康二首

老罷那知力已疲君恩誤遣出車詩犬羊可有中原
地熊虎空高大將旗江海百神朝魏闕風雲千里護
彤墀白頭再啟起征西將深愧甘棠詠去思
推轂何堪付老儒腰間仍佩玉麟符千門萬戶照天
闕二水三山非故廬談笑定誰能却敵哀慵真自笑
非夫淮南金鼓連滄海為趣嫖姚速破胡

府中即事二首

稍喜胡塵欲漸清離宮雙闕照層城不驚巷陌銅駝
沒自媿兒童竹馬迎哀謝詳巨堪仍簿領病慵久已廢
杯行三山不動潮頭過洵江流自不平
行歌坐笑往來頻俯仰之間迹已陳可是猶思建鄴

水却應喜近洛陽塵十年徧閱三行闕余自維揚臨
安及今九三
至駐蹕之地四海奔馳一老臣未有夷吾在江左柴車空
換兩朱輪

送模歸卞山并示僧宗義為余守西巖者
三首

自我離山間忽已兩改月飢人不忘食未坐先已說
家僮挾書至驚起慰愁絕推尋到鷄犬問訊窮曲折
此生豈多為一壑萬慮滅可能復大錯更鑄八州鐵
江東領汝歸馬蹄輕初不恨觸熱殷勤報松竹吾豈
八州成久別
端居探幽竒自謂略已徧昨登西山巔雄絕昔未見

溪湖莽吞吐雲物紛百變乃知十年間尚或遺勝踐
巢成輒棄去我豈秋社燕築南山絕頂亭為吾課童
僕開闢盡二面莫言羊腸險徑小煩屢轉杖藜不用
扶吾脚猶爾健

生長在山間從翁守蓬戶人言膏梁子粗免污鞵袴
官居無多戀暫止復遽去家法忍未傳此心良已素
義禪晚從我似識此間趣西巖鬱嶽岑久斷俗子路
聊持山中節為我主留務封陞際湖海雲月皆所部
建康舊俗貴重九上已諸曹皆休務祀神
登北山參議馬君獨不出携詩相過因言
石林之勝次其韻

倦飛歸鳥正思還扣戶聊分半日閒勝事漫同談栗
里佳時休笑負龍山簿書已老無餘力香火朝真有
舊班他日尚期能過我試窮千嶂共追攀

去歲以九日期賀子忱徐鞵宗濟祝子權為
松菊臺之會作寒字韻詩唱酬數返今歲
郡齋獨坐慨然有懷復用前韻寄鞵宗濟子
權時皆在湖州

地道中原怯早寒一杯何處復追歡同尋澗壑閑誰
共強逐風塵老自難歸夢孰知冠有約故情應得攜
相看閉關且示維摩病圖畫他年付瓦官世傳顧凱
像皆此間瓦官寺本也

郡齋望蔣山

十年在空山未覺與世殊再來撫城郭始悟非吾廬
豈不有華屋旌旗拱五都我冠生清旦百吏前走趨
而我麋鹿姿^{信然}若因拘忽看北山岑突兀當坐隅
歡言顧之笑便欲凌崎嶇似我槿籬間層巒儼相扶
瞻不得往起步空長吁少年四方志顧眄略九區
哀慵一如此畢願終田閭拙艱固應爾豈但悲老夫

自和

生涯一茅屋物役忘萬殊再為東諸侯作軍蒐被廬
追尋念往迹六鷁慚宋都^{余以請宮祠去官}浩歌記土風誰
能和且趨自咲良已隘真成楸株拘聊云效知止未

敢傷廉隅茲山閱人多龍蟠委崎嶇寄我千里目筇
枝尚堪扶但愁見中原驚心愴嗟吁何由返吾室小
徑遵芋區未用懷遠遊蒼忙賦三閭明當秣吾馬解
組戒僕夫

西齋初成解中舊有太湖石數十株因植
之庭下

萬壑千巖不易求壺中聊寄小瀛洲稍看磬兀雲峯
出便有檀欒桂^{欒宗}幽絕境自知難遽忘竒踪爭恠獨
能留山翁已老猶兒戲漫擬伸眉一散愁

與晁激仲夜話

外家文采到清^諸郎凜凜辭鋒未可當伴我何辭共戎

馬憐君聊欲濯糟漿激仲以池州正從余辟殘年落寞風塵際
永夜從容燈燭光祇恐扁舟吾欲去病慵無意薄淮
陽

次韻答激仲

牛渚誰逢臨汝郎參軍暫肯佐戎行世緣不擬營三
窟入事那求饋五漿春近嶺梅橫暗藥夜寒霜月落
飛光十年情話何由盡我亦傷心歎渭陽

再答

生涯久許捕魚郎鳧雁相追不亂行但遣陶廬有松
徑不辭楚酒醉椒漿交情老栢寒方見妙語靈珠夜
有光回首漸知歸路好已看梅柳動初陽

又答

家聲合繼紫微郎隗氏自文元文莊皆嘗歷知制誥至以道復為中書舍人云不
獨詩同沈鮑行晚歲清談淹幕府中原喜氣望壺漿
頗聞時論憐衰朽空愧君恩負寵光肯許輞川期後
約彈冠知不借王陽

閱武士回邊報與山中信併至

椎牛饗士隘轅門投老兵間強自論稍喜並邊無牧
馬却慚空帳有驚猿乞盟似欲回天意排難誰能報
主恩壯志蹉跎真便爾獨懷搔首望丘園

兩夜西堂獨宿

華屋非所安憶我三間茅閉闕傲初寒坐聽風雨交

燈火微暗淡松篁雜蕭梢一枝寄宿鳥自許無傾巢
我非乘桴翁詎敢辭繫匏揭來亦何事大似從僧包
忽聞報嚴更鼓鐘亂鈺鏡慨然念故棲此地寧久拋
君知芥舟微但可浮杯坳去矣無更疑作詩聊自嘲
雨夜與模論中原旦起模與徐鞏宗游清
涼覽觀形勢嘉其有志因以勉之

千年石頭城突兀真虎踞蒼茫劫火餘尚復留故處
大江轉洪濤騰踏不可御空城寂寞潮日暮獨東去
登臨欲千古俯視極千慮吾兒勇過我蓐食穿沮洳
謂言撫中原未暇論割據功名亦何人我志聊自恕
它年報國心或可借前箸無爲笑頽然已飽安用飮

連日邊報稍稀西齋默坐

鼓角遙聞出塞聲邊風吹鴈過高城疆陲無復戍已
尉盜賊猶憐壬午兵歲晚胡床閉深閣夜長刁斗聽
連營便須從此傳烽息要及春農論勸耕

獨坐不得眠讀舊書

青燈相對久無眠擁毳無人伴夜禪闌閉戶便能忘屢
迹炷香時自續爐烟辭家屈指驚三月撫事關心愴
十年漫展殘書亦安閒可能猶欲絕韋編

懷西山

西山十畝強高下略不齊嵌空抱竒秀上有凌雲梯
小屋八九間茅簷敢辭低所欣面勢好老稚通扶携

密竹轉修徑老松故成蹊仲冬景氣肅碧草猶萋
仰視天宇大四觀顛渺田溪徐行信足力未畏成顛躋
用意各有適孰云無町畦平生幾濡首末路多噬臍
不作巢幕燕肯從觸藩羝胡為濫麾鉞坐聽鳴鼓鼙
外物妻虫臂錄全生思馬蹄可能三徑草歸路老更迷

杜堅大夫作南窓求詩為賦

意得不願多心閑本長虛超然適有契天地良有餘
頗念彭澤老所懷常晏如南窓僅幾何盤薄萬古初
束帶悟已往世紛便能踈懸知千載情共有三間廬
杜子老不遇買田賦歸歟西山鬱爵攬空江山繞故墟
衡門閑松菊亦有琴與書邂逅一杯酒安知我非渠

送光上人還湖南光丞相吳元忠之母弟

舊名諱宗字元常以進士入官已而棄家祝

髮云

棄家忽若遺四海吳元常軒冕安足輕妻孥等豪芒
古來惟仁者有勇故莫當張也自多慾此心焉得剛
相君抱壯烈慷慨志亦償徒悲蕭長倩屢折終堂
子居真俗閑袖手每在傍十載復相見掛帆上瀟湘
我居下峯顛萬仞凌穹蒼何時一茅屋共結兩道場

山間每歲正月望夜梅花正開多與客飲

花下今年却齋獨坐十四夜張暘叔是激

仲相過共話宣和間事慨然歸不能寐因

以寫懷

山頭野梅白玉花月明弄影紛橫斜青天無雲萬峰
立下有十畝幽人家年々春歸不暇省但掃雪徑尋
葩老夫已忘少年事燈火豈念更繁華一杯起步徧
空谷破屋歸臥嗽朝霞陪都復未亦何有凜々殺氣
浮高牙重閤深鎖夜漏永忽記昨夢翻長嗟景龍門
前一月會金盃賜酒餘雄誇神州陸沉近歸我漢節
方議通胡沙天翻地覆那得料忍復更聽漁陽鼙

次韻馬參議同游蔣山

華屋驚隨劫火飛江山空自繞邦圻靈蹤可便超千
載妙解誰從寄一微著履尚堪窮碧落據床聊伴俯

清輝追尋會識關心處未恠衰翁苦憶歸

再次韻

顏垣敗屋落花飛草々春光亦故圻但愛野塘輸綠
淨不知風景轉清微帳空尚憶猿驚曉基廢猶傳鳳
覽輝女几自無平賊意坐來休笑久忘歸

三次韻

荒林寂々鳥飛々舊事那容數十圻山色自憐雲泱
莽暮雲猶作兩霏微談餘故喜珠仍在境勝端知玉
有輝問取塔中黃面老此生何處是真歸

四次韻

雨壓殘雲暝不飛亂紅猶欲點春圻蔣陵路絕人誰

到蕭寺庭荒迹已微
偃蹇松篁空自老
參差觀閣舊相輝
令威等是千年客
想有遼東獨鶴歸

偶至劉少師園二首

葉底黃鸝一再鳴
故知久住識人情
習家池館元無禁應笑山公自懶行

老木參天拱十圍
何妨桃李間相依
却憐韓令功如許
不為山丹少霽威

蔡子因相過留踰月

解作江山一月留
仲文儒雅更風流
欲知爵躍心能喜
正愛蟬連語不休
築室君方論並舍
子因約同歸居霽上
山我已辦扁舟交親
四海今餘幾萬事
傷心付白頭

次韻再答子因

人事紛：去不留
客心空感大江流
已拚瓠落真何用
那得鐘鳴尚不休
鄰里朱陳無別社
江山李郭有同舟
若為便覓蒼溪路
六月明珠剩芡頭

蔡子因前韻留別再答二首

早時物望冠陳留
蔡氏自言出後晚悟禪心更不流
安用前身真阮籍
頃有方士言子久知此道得孫休
千年會有歸來鶴
萬事元同不繫舟
邂逅一菴隨地有不妨
衲被對蒙頭

已議營屯到上留
稍欣群盜障橫流
三時舊業終應在
萬里長征亦少休
和策但令均挾纊
壯圖何用決

焚舟東都自是興王地虎踞寧須問石頭

劉太保招撫淮北劉馬軍屢奏捷

先聲已起故將軍臥治何勞病使君冠帶豈能忘舊俗山河自亦惡妖氛羽書奏捷無留敵輿地論封有策勳橫掣賦詩非我事車書會復見斯文

題蔡子因雙鳩百葉桃畫

百葉緗桃照眼明繁枝似見雨新晴故知睡足聊相並不作林間逐婦聲

徐^{光宗}立罷吏部郎官出守天台待次下山

舊居因寄

嵇康不作絕交書出處蕭然兩裕如錦帳不妨游省

戶草堂還得賦郊居傾崖濺水青雲上夾道輕陰落絮餘亦紀舊游聊待我未須催駕赤城車

陳子高移官浙東戲寄

幕府陳琳老官身戀故溪解談孫破虜那厭庾征西未擬煩刀筆聊應謝鼓鼙登臨如得句小字與親題

戲示幕客

不用黃金更築臺一時傾蓋盡奇材閔中豈是穰侯物浪怕諸侯客子來

章幾道將歸小飲懷謝誠父

中年甚畏別交親况復雲山舊結鄰澗谷何時同笑語干戈已老更風塵少留對榻聊分坐多病持杯漫

幾巡賈傳長沙知健否洞庭波浪渺無津

聞邊報示諸將

挿羽驚傳赤白囊胡行如鬼尚跳梁頗聞廟筭無遺策但遣封人謹預防送死定知天悔禍追奔寧使汝爭疆將軍剩有封侯印盡掃無令一鏃亡

虜酋復過河王師出討

羽檄初徵天下兵誤慙一障守王城秦兵出項終何得漢將征遼會掃平便遣幽燕驅號令久憐河洛汚羶腥書生豈解論幾事詎信平涼有劫盟始議講和

然不

遣晁公昂按行瀕江營壘

他日傳烽望夕烟重来老更負戎旃我言固自平：耳王事那辭數：然轉餉未應勞木馬摧鋒猶或要

戈船天威本自無多殺萬一征和屬此年時聞虜遣

來請和

聞兀朮將過淮再遣晁公昂覘師

狂酋屢憤騁長驅未省新軍有被廬時張韓兩軍治勇快飲勿辭金鑿落先聲須破鐵浮圖虜將下親兵浮趨官爾自疲千里虜遣師往來國中號飛將吾寧

較一夫試向八公山上望當關何用守濡須壽陽為

晉能保有故謝玄有淝水之捷云

登南城

大江南渡是長干北望清淮歲已寒廢壘至今聞鶴
唳蒼山從古自龍蟠鬢毛白盡空看鏡髀肉銷來尚
據鞍持筭不能答黠虜遺民猶有漢衣冠

與陳守高夜話

鼓角開東道山川壯別京病慵憐竊食幽憤敢論兵
廢簡鉛黃暗馳囊赤白驚衰衣聊自喜時見魯諸生

送馬參議觀國從辟劉太保

伏波老自厭壺頭壯志諸孫凜未休稍喜犬羊從絕
塞即聞貔虎靜中州先聲蚤已傳推轂婉畫聊煩佐
運籌好去劉公書一紙無忘老子上南樓

次韻馬參議留別

戎車百兩去難攀秣馬前驅矢石間析木舊津吞朔
易神都新令懽寘顏傳聲已報連三捷觸熱那辭冒
百艱束縛會者擒頡利灰釘何待執戎蠻清談一笑
時能共妙語千篇未可刪緩帶且從黃閣老峩冠行
奉紫宸班分携^生歎虛懸榻老病懷歸祇故山他日
小舟能過我萬峯深處有柴關

寄潭州謝誠父

南國波濤已過春稍清群盜翦荆榛孰知賈傳傾多
士但說番君得遠民痛飲千鍾應可強傳書一紙未
能頻臺評袖裏猶多在莫枉汀洲詠白蘋
久不飲酒厨人獻白醪却之

老大無堪百不能
年來但可飲三升
齋廚何用須佳釀
莫遣征南誤見自稱

立秋二首

江上西風萬里秋
際空高浪洶回流
他時譽賊真非策
此日摧鋒盡有謀
天險漫能憑故國
陸沉端復恨神州
將軍競綰封侯印
誰為吾君更解憂

蕭關隴水隔天區
壯士何人是破奴
一日頓傳三節

度三是日聞陝西節十年空闔五單于
坐談激烈心猶在

疲俗周殘喘未蘓
安得倉箱盈百萬
少令天下足軍儲

秋高申戒諸屯示幕府

草檣馬健已高秋
堂上應須早伐謀
傳箭猶聞聚蜂蟻
控弦那得犯貔貅
書生會繫單于頸
壯士誰春長狄喉
快使營平歸印綬
貂蟬敢望出兜鍪

寄順昌劉節使

四海胡塵久未清
遙聞苦戰有奇兵
妖氛盡掃人誰敵
捷奏初傳我亦驚
授鉞已欣傳帝澤
揮戈終見靜王城
軒臺固有英靈在
更遣將軍得令名

二月六日虜騎犯歷陽
方出師客自吳江
來有寄聲道湖山之適趣
其歸者慨然寫

懷

松江浪靜如鏡平
菰蒲長春秋水生
晴沙回雁久未

到坐想白鷗增眼明五年辜負釣船約故人疑我真
逃盟豈知塵纓不易濯正想滄浪之水清朝來鐵馬
暗江北中流疊鼓雲濤傾樓船千萬下采石旗纛滅
沒天戈橫書生事業今乃爾投鉞孰敢辭專征豈無
傳檄走飛騎漫復長嘯登高城文思天子民父母大
度未忍麇竒兵澶淵一矢安五世明日儻或傳諸營
淮西軍大破賊兵連六告捷喜成口號二

首

一戰聊麾十萬師西來捷報走黃旗六羸壯騎終
去九虎將軍亦漫為賊將龍虎輔國等將面內疲民
元不改拓鼻之捷驪虜皆其用事貴酋從中勝筭自無遺淮九指投

諸將盡臨軒想見天顏喜百辟歡聲動玉墀

地豕何知闕近垆且欣麇戰掃羶腥寄聲急走破羌
帖歸路還經征虜亭多難兵間頭更白事武放懷物
外眼終青花殘不負巖邊約更看前焚老上庭龍庭
地匈奴

為山亭後有小池叢石間得石螭因以斛
汲水導注之

微流自作小潺湲底處奔崖落迸泉驟喜忽聞飛雨
過却疑驚起老龍眠憑軒但遣時醒耳裂岸何須去
拍天索寞歸心誰與寄家山不到已三年
為山亭移植冬青等近遂成陰

一寸蒼根手自鉏
年來繞屋亦扶踈
客來但愛清陰好
不見幽人礪下居

小飲示幕府

邊書日夜急
王旅方徂征
我非劉越石
長嘯徒登城
緬想豺與虎
行當築鯢鯨
傳車日邊來
風雷走天聲
連日中遣五人齎
金帛攜師者
經過黃旗三
面至捷奏
紛々橫天險
限南北
長江正東傾
諸君亦良苦
唾手爭請纓
誰云凌煙閣
自昔無書生
危酒安足辭
勉當建雄名
李賀詩請君試上凌雲閣若箇書生萬戶侯

石林居士建康集卷第一

石林居士建康集卷第二

詩二

徐轆濟書報嘗過余石林

繞澗新添數百竿
故人書為報平安
似聞謖々山風響
正想陰々夏簟寒
老大不能窮蠹簡
歸來便擬卧塵冠
一杯且覓林間約
莫枉山王廢舊歡

夜聽莫撫幹彈琴流水操

故山不在眼
遠想流水聲
佳人南風手
起我澗谷情
十載厭鞀鼓
囂塵亂鳴鉦
蕭然洗病耳
為鼓一再行
度險微斷續
奔前忽琮瑋
淒風拉遠響
薄月當微明
亂石拱高下
回環亦崢嶸
吾歸正自爾
猛士方西征

年少勇過我犬羊羶王城請更平戎操盡掃河洛清

送沈傳曜

卞峯摩青空東望烏氏鞏宗豈忘宿春糧終媿一款門
邂逅此相遇傾懷得徐論人言解牛刀要使劇煩
未悟清廟器朱紘列壘尊我衰百慮息但念三畝園
王師肅西征萬馬先雲屯何力償賜履緬慚羨歸軒
寄聲舴艋舟想見浮雁村清冷尚可釣無使雪水渾

八月二十日

覺涼風入軒窓自亦幽漫能持麈尾終憶釣槎頭
我從添老愁予不為秋新醅知熟未衰謝若為酬

偶書為山亭五首

為山亭下小巘坑只欠蕭蕭竹數竿但遣飛流時激
玉且將歸思為翁寬

微風似與洗庭除石枕蠻藤不負予八尺方床聊已
足可須仍要讀殘書

僚吏相哀白事稀抱琴時有弄清微何妨共倒樽中
酒不怕鳴騶問道歸

羶穢初聞頻頻水清東君更復過蒙城應須鄂渚兵同
入賊壘聊煩盡郟平

使節交馳數路分頗知盱食念前軍疾湏圖上金城
策一見真能勝百聞

次韻程伯禹贈宗室趙朝請

人物相望不並時使君冰鑑有真知未論理窟傾三
語只鬪詩壇自一奇擾：干戈猶戰伐紛：簿領更
喧卑應須便作高軒過好德何人佐我儀

次韻程伯禹用時字韻見寄二首

衰病侵尋豈故時暮年懷抱祇公知彊論出處初無
意底有文章更好奇王氣山川原自壯歸心茅竹敢
卑中原趣下王正曆盡使遺民復漢儀

漢道中興此一時虞亡不臘爾何知地中鳴角無多
恠堂上論兵固有奇夢櫟那求梁棟遠槍榆正羨羽
翰卑淮陽汲直猶高臥願看簫韶集鳳儀

送表弟晁公老沿海帥幕

巖邑相望數寄聲十年湖海最關情談鋒尚憶傾甥
舅鬢雪何堪數弟兄飽讀父書聊自足深知民事却
須評揚旗且逐樓船下萬里濤波本不驚

公老說之
于罷遂昌

令願能言
浙東民事

題晁公老惠崇溪山

荒林翳宿莽脫木寒無煙不知三間茅中有幾醉眠
山遠尚見雪江空欲吞天歸舟定何許滄波方渺然

再賦

惠崇殘筆老尤奇袖裏溪山每自隨欲識滄波無限
意此間惟許當家知

觀化堂編校舊書

赫日真能永微風亦自涼故應便北戶何敢厭東廡
汲水聊為戲繙書却未忙平生閑與嬾併覺味兼長
翰墨他生業山林晚歲心那知身已老但覺意增深
捉麈誰能話扶筇可細尋晚來庭鵲喜似恐有歸音

憶朱氏西澗

澗下流泉澗上松清陰盡處有層峯應知六月冰壺
外未許人間得暫逢
憶向中流置竹牀萬錢無處買清涼只今驟斷無來
客自撥新篔醉幾場

雨後為山亭獨卧

過雨虛簷氣稍清臥聞刁斗起連營幾看薄月當軒

過驚見陰蟲繞砌鳴沟：南江浮靜夜寥：北斗掛
高城白頭心事今如許慚愧兒童話請纓

七夕

七夕仍殘暑三年記此宵傍簷依嶺月歌枕聽江潮
瓠大何妨拙槎迴未覺遙可須論乞巧河漢望星橋

送王陞歸知果州

何處西南是果州黃柑殊勝木奴洲使君自喜鄉閭
近騷客仍憐井邑幽盜賊燕秦猶未息山川楚越已
先秋原頭兵馬今多少更與將軍論木牛

祈雨

老農酣歌望捫腹旱魃何為敢予毒九淵再拜款神

龍仰空但見屯雲族天公愛民亦自惜我媿無功神
弗福願看一洗注天瓢未須震暴如車軸
今年淮西戲胡騎王師盡掃無餘類武王伐紂報豐
年今者驕陽豈天意東求三茅西采石塔中至人肯
徒視明朝掣電駭翻盆婦子猶能飽遺滯

再任後遣模歸按視石林四首

巖石三年別君恩未許歸從誰尋草徑為我款荆扉
舊繞山千疊新添竹一圍故人如見問端欲掛朝衣
白髮萱堂上孩兒更共懷弄孫那得見將母竟難諧
已絕功名望猶疑出處乖此心終未穩何處復安排
挿架環千軸傳家有舊書展舒慙几案涼曝闕庭除

破屋防懸溜殘編足蠹魚好須重檢校局鎖莫令踈
細路穿南嶺新松幾許長毋庸馳馬足祇擬轉羊腸
便作高亭好初非亂石妨兩溪渾在眼似欲見帆檣

祈雨未應復請於茅山采石庶幾遂得之

苗當七八月之間甘膏不濡何太慳飛塵蓬勃晝欲
暝坐睨雲物占群山五日一風十日雨天方勤民輔
明主作書未敢頌風伯寄謝羣龍少勞苦

群龍分馳不難興

俗謂五月二十日以後為分龍日

噴薄雲霧隨飛

騰中田勿憂龜兆坼倏忽便看溝塍盈老農何功報
神力但趣官租飽軍食中原卷盡胡無人爾土明年
更開闢

余每歲病肺往、坐達旦去冬以來偶不
作遂得安眠

衰殘每苦病相纏粗喜今年勝去年未說清樽酬薄
醉且欣高枕得安眠風塵不報邊烽入聖澤頻聞好
語傳時詔書屢下存可是淮陽真臥治滿囊空費大
農錢撫江北流人

聞莫尚書周侍郎已自鄂州過江入漢上
再見狂胡力請平將軍無事罷屯營傳軍已割淮壩
地牙帳仍收鄂渚兵勝日身猶堪杖策衰年耳自厭
鳴鉦角巾初了東歸約安用區、峴首名

東園作草堂新成二首

官舍如何有草堂野人熟處自難忘池開月映千山
迥檻靜風生六月涼幽徑也從穿別圃小舟攬似過
橫塘深知幕府文書省盡付酣眠亦未妨
密覆荒茅已數重中開別戶更相容苦無公事妨人
樂多有清閑借客慵南浦潮平分賸水堂前池與北
山路近得青松近栽北山恠翁歸意何能緩新築高
臺見卧龍園中舊不見山因
積土作臺遂見蔣山
三月八日草堂獨坐

四年身不到吾廬底處仍堪託左符閑閣漫憐公事
少投簪敢認宦情無車聲早已吞窮寨使指何時返
舊都故作茅堂開水檻要知心自在江湖

徐鞅宗立相過

茅齋一曲傍寒灣，邂逅終年伴我閑。
契濶易驚成歲月，追尋空復望江山。
暫留客枕聽疎雨，時久早遙想方得雨
吾廬掩舊關。落莫歸心誰與話，坐談聊為起衰顏。

同鞅宗立游蔣山謁寶公塔王荆公墓晚過

草堂寺周顥故宅也

我居在城府，再至俄二年。豈無山水心，可奈簿領纏。
今晨偶乘興，適此賓從賢。零雨洗驕陽，谷中聽流泉。
憑高映遠覽，正見江浮天。至人本無心，與我常周旋。
誰云喚不應，汝意自不虔。余自到鎮每雨賜祈寶公塔未嘗不應 麥隴
稍已滋，橫水漲微漣。佳城倚華表，拱木埋貂蟬。暮過

草堂寺借榻聊暫眠，不復聞怨鶴茅堂但連延。歸路
踐落日，群峯鬱相先。回風送遠響，墟里生晚煙。吾廬
悵何許，東望良慨然。

明日復游石頭城清涼寺再用前韻

大江洶西來，故國今幾年。我衰倦登臨，坐媿雙行纏。
忽驚山陰集，邂逅來群賢。俛仰弔前古，高談注淵泉。
千巖過宿雨，餘潤滋麥天。頽頽翳崖壁，過午不得旋。
像佛再經始，時兵火後寺盡毀 此邦心亦虔。稍舉臺
殿新廢沼，依淪連坐懷。馬化龍，僅作螾。捕蟬相傾走，
掣電詎暇安。枕眠六飛暫，東巡恨爾不少延。孽胡久
凋殘，屈已今我先衰憊。乘一障無功，記凌煙乞身自

茲始此計君儻然

又明日復同讞立總領吳德素運使章思

召過天禧寺登雨花臺再同前韻

言經朱雀桁復度白鷄年去歲謝公不見廢壘蔓

草纏三日瞰郊坳牧所懷多昔賢坡陀北城光宗謝城北有

誰可作九泉石頭控崢嶸目盡西南天定都記孔明

赤壁方凱旋孫權定都孔明初勸之惟初鼎足計用意良已度

更作長干行秦淮亂清漣殘春掃餘花密葉未有蟬

高臺略四遠綠野浮芋眠午陰久未移幽景為我延

使君固不凡况有嘉客先老大百念息爨餘豈遺煙

了知塵外心本自無間然

與讞立夜話有懷石林復用前韻

有山不能歸生愧三十年余營石林今幾三十年矣冠服豈不榮

狙猿強包纏惟餘緇衣心未敢忘賢他日得吾子

匣藏駭龍泉衰顏為興起此賜寧非天羯胡玩兵久

亦悟終好旋扣闕復請吏搖尾志頗虔休兵固有期

撫事猶涕漣投懷幸傾瀉知子非寒蟬十日對榻語

夜窓了無眠賈生待宣室趣席方招延願上治安策

何者今當先我行返故廬跌坐看爐煙功名會及時

佇子論燕然

用前韻送讞立

畏作親友別况復非中年身如三眠蚕已老翻自纏

竭來守江關從事寧獨賢經年兩大入燿火通甘泉
石林豈壺中亦自有一天采薇敢言勤誰與歌勞旋
上書苦祈哀傾寫志已虔坐懷北山巖未見西溪漣
人言搏風鵬不及翳桑蟬共挽携手客可忘曲肱眠
首鼠信禿翁胡為尚遷延子來幸暖熱愧我一飯先
清詩似鳴玉想見藍田煙索去何乃遽臨分重依然

為山亭晚臥

瘦石聊吾伴遙山更爾瞻泉聲分窸歷草色備廉纖
玉粒時能飽霜毛日更添平生踈懶意况與病相兼

次韻方仁聲惠文編

他年落筆生生風下舍諸郎敢長雄操縵不能陪衆

手斲輪終自付良工鏡湖漫憶歸狂客漢上誰從過
德公會向南溪尋舊約別開小徑共相通

戲方仁聲四絕句

戲弄扁舟泊宅村却尋三徑築茅齋雲邊此意真誰
解賸作新詩與細論

水檻新開似浣花傍溪湏更作浮槎祇應屢費王宏
酒時要清樽對落霞

不惜囊錢信手空荒田却擬望年豐天公可是憐風
月判遣詩人一例窮

盧橘楊梅已及時我歸先自在前期平生不作宣明
面浪愧將軍建鼓旗

仁聲舊居城東泊宅村張志和常所游也
今徙西溪作雲茅菴因東岡為小亭號茅
齋欲傍溪開水檻久無資會郡守有饋之
酒五十壺不敢飲亟易之乃克成有田數
十畝常苦下潦余居石林與雲茅南北正
相望故四章皆及之云

次韻馬叅謀蔣山開堂飯素

邂逅聊憑法供真茲山誰謂我非鄰相追更喜同枝
策得意遙知了斷輪幽事要須塵外侶好詩仍借境
中人歸來袖裏傳新句驚放巖花作小春

諸幕府見和復答二首

一勺清甘寄悟真

八功德水在定林寺
址東舊名悟真寺

覺城東路更

為鄰臺傾劫火無遺燼

寺經兵地轉
火盡焚

奔風有伏輪但

遣籃輿從困守深知幕府畫詩人登臨莫忘千秋意
不沁山陰記暮春

欲眠遣客笑吾真愛酒空牀羨汝鄰歸計已甘從短
帽倦塗何止畏奔輪高車不用三千客淨社須期十
八人尚許一樽仍破戒黃柑催釀洞庭春

是以齋集
不置酒

次韻馬叅謀新作山亭

家山千仞聳亭：夢繞茗溪十里青苦厭簿書迷老
景坐懷丘壑寄顏齡稚川可復尋句漏靈運能忘過

永寧疊石且從開小徑寒芳仍喜報餘馨天工未擬
藏遺巧物態何曾有遁形散策便思穿窈窕沉鈎真
欲釣清泠已看袖裡携東海端向籬中得畫屏半世
生涯皆福地不妨歸更侍祠庭余前后領崇福明道
洞霄宮祠北任二十
一年時方又
上章乞歸

方叅議用前韻記嘗過予石林次韻答之

不復襄陽寫孟亭草齋人道是丹青那知客自從文
舉但恠山能養伯齡世味無多真潦倒歸心欲寄每
丁寧遙聞徑竹添新影更想巖花作遠馨夜鶴未應
真怨別江鷗須信久忘形地偏故逐淵明遠風好常
隨禦寇冷癡坐正憐塵滿案醉眠終倚石為屏瀛洲

學士煩追賦尚記滄波接洞庭下山後即太湖正與
洞庭東西兩山相望

徽宗皇帝挽歌詞五首

制作三王舊憂勤一紀餘豈惟成禮樂真欲混車書
黼衣猶丹陛鸞輪忽紫虛帝鄉歸路穩無復顧樓唐
帝業承瓜瓞天倫映棣華千年承接統四海自為家
畢郢終何恨蒼梧邈已賒廟壖驚拍顧行路泣悲笳
脫屣初無戀遺弓故不忘金盤徒自聳玉椀且深藏
付託歸真主經營有舊章栢城森渭水空愧寢中郎
卜宅軒臺近因山禹穴深綴衣驚在匣黃屋本非心
海濶青雲隔天高白日沉秋風無馬跡惆悵屬車音
浴殿陪書詔甘泉奉侍臣虛傳遊帝所不復從時巡

效死終何日餘生漫此身
攀髯如已矣揮涕灑江濱

哭趙叔問

劉氏盤石宗略分天下
半斯文獨更生落公族冠
探書到千古極意在理亂
故宜蕭長倩憂國共長策
我懷宗蘭居_君多學真一貫
束髮踵癯儒長檠媚空案
胸中行秘書領略能默斷
埋光久不暴玉石終自判
中年立周行杞梓見脩榦
雍容視出處未可急招喚
坐令護都水不特羨先漢
荷囊侍丹扆正訝歸稍緩
馬棄天閑一往謝羈絆
黃壚閉白玉萬事風雨散
訃來為失聲涕落傷老伴
孰知錦囊心無復銀鈎腕
柯山渺何許日月忽已換
平生渾金質反覆要熟者

寶琢寒泓誰

撫遺玩尚有千字碑
臨風寄長嘆

叔問三衢新居號崇蘭館字畫猶妙蓄硯甚富皆奇程致道作埋銘叙其事甚詳

銘

賜硯銘

紹興己未六月_臣某待罪建康之明年
皇帝以所嘗御硯賜_臣某謹再拜稽首而為之銘曰
咸池之淵_金鉤所直發為天_地號令攸出惟泰山雲
膚寸萬方帝澤之儲而_臣之藏

新坑端石硯銘

望之盎然不耀其光即之矜然不暴其剛
下巖之澤竭取之其陽是為雲者仍耶猶以見其祖之良

李師蘭硯銘

靡之勿利挹之勿槁毋慢其歲不貪之寶

晁激仲琴硯銘

鳴不為球拱不為壁有軫匪絃寓此盈尺孰謂大者
訖歲無聲勉子筆端發其鏗轟

二井銘

紹興壬戌六月甲子建康府新作二井於州治前銘

曰

予者不窮取者不爭用惠我民以安其生毋瀆其煩
毋厭其多我民資之視彼濤波

右左銘

吏之勤民如井曰劬民之從吏如井曰趨惟吏與民
毋或自戾敝則斃之以閱百世

右右銘

似菴銘

草堂東北隅有地四丈結茅為小菴時方求歸未遂
或曰甚有似乎吾廬也乃名之似菴而為之銘曰
惟大匪肖其似者誰曰似之非我敢期穹然覆盂
甚狹而廣請視吾廬為一為兩

贊

東山圖贊

龍眠李伯時畫許玄度王逸少謝安石支道林四人

像作東山圖玄度超然萬物之表見於眉睫逸少巖
手袖間徐行若有所觀安石膚腴秀澤著屐反首與
道林語道林羸然出其後引手如相酬酢皆得其意
於俯仰走趨之間筆墨簡遠妙絕一時無住道人少
規模伯時為余臨寫真贋殆不可辨更數十歲安知
天下不有兩伯時因各為之贊曰
揚眉軒然意軼萬里亦將焉往而竟斯止曰遠遊者
以是為游疾走息陰彼將安休

右許玄度

翰墨之娛以寫萬變不償一媵笑巖山扇袖手縱觀
我行故遲豈以懷祖樂此逶迤

右王逸少

韞玉於山燁然不枯我觀此容非山澤儒却顧何為
東山之陟如何淮淝乃折此屐

右謝安石

一世所驅顛倒軼裳是身何依獨委支即從容三人
亦躡其後人誰無言聊一舉手

右支道林

法眼禪師真贊

八萬四千大悲寶目問此多目孰為正觀惟阿那律
無目而視問此真目畢竟安在是法眼者猶為金屑
有法無眼有眼無法稽首導師五蘊皆寂悲觀慈觀

等大圓鏡顏然方牀如夢中事山河大地一切消墮

石林居士建康集卷第二

